

祀典志第五

壇

社稷壇在城西南二里明永樂九年知州何原  
建春秋仲月上丁祭

山川風雲雷雨壇在城東南二里明永樂九年  
知州何原建春秋仲月上丁祭

厲壇在城西北一里明永樂中知州何原建清  
明七月望日十月朔日祭

德州志

卷之五

祀典

廟祠

先師廟在儒學內春秋仲月上丁祭

啓聖祠在儒學內明嘉靖間建春秋仲月上丁

祭

名宦祠在儒學內

今

祀蕭望之匡衡伏湛趙熹

史弼陳紀劉脩阮种邵續陸機房恭懿顏真卿

唐介趙挺之趙叔皎靳懷德曹望之王擴趙時

春戴纓孫森謝錫教劉源湛梁維樞共二十四

人春秋仲月上丁祭

鄉賢祠在儒學內祀董仲舒劉懷珍劉懷慰高  
馮高沐孟簡張雍孟泌宋性王復善張惠張海  
袁通王中鄉祥尹綸趙淮石倫袁攢葉洪王進  
賢鄉願賢盧宗哲程珪劉佐曾鑑金世臣謝廷  
策金煉程紹李誠明王都盧世淮李允禎何顯  
宗共三十五人春秋仲月上丁祭

董子祠在儒學東明弘治十二年巡撫都御史  
熊翀同知王從鼎建春秋仲月上丁祭

程敏政  
德州董  
子祠記周衰道否極於秦至漢中葉乃有董子  
董子生孔孟之隣封自其少時力學至三年不

德州志

卷之五

祀典

二

窺園遂究極斯道夔有聞於坑焚之餘西京諸  
儒不及也蓋其論道之大原出於天合子思分  
義利王伯合孟子對天人三策又有得孔孟體  
立用宏微顯不二之意致君三代比跡伊呂誠  
有其具焉顧武帝方喜征伐求神仙相公孫弘  
等猶樂談俳詞賦之士有道如董子者惡舍所  
好而致之用哉斥之以相王國於下邑俾不得  
妨善之有事豈世運使然亦斯民之不幸也尙  
論其人雖兩程朱氏未始不推尊之以為度越  
諸子采其緒言為法於學者可致也至元道否  
甚高廟龍興文運復盛洪武乙亥即從行人司  
副楊砥請以董子脩食宣聖廟庭憲宗朝又用  
輔臣言追爵廣川伯董子之道益顯廣川實其  
故鄉舊屬平原今德州也有書院在儒學  
東廡下大書深刻董子讀書臺五字詢其故址  
復焉繼知州事王縉及分督應事戶部主事  
孝勩祠堂入楹於臺後合鄉賢以祀名之曰

賢明戎化癸巳也今山東叅政林君按察  
劉君行鄧德州以舊宇圯陋且位大儒於  
非便請於巡撫都憲熊公以命濟南府同知  
從鼎俾為專祠八楹前後廂房十有二楹仍  
臺樹故殿於寢堂下作亭覆之肇工於弘治乙  
卯孟夏踰兩月落成凡工料所需皆出規措不  
以煩官舍菜之日士民大悅以為盛舉不可無  
記於是兩君入賀京師詣走以請余謏學辭不  
獲謹書之俾生於斯學於斯者慨鄉邦之先哲  
當暴秦絕學之後獨為其難者我乃優游暇豫  
絃誦之區可致道而忍自負於盛世耶勗哉其  
未達如董子之志母燕游廢業其既達如董子  
之策浮曲學阿世又因以進於程朱上窺鄒魯  
以副我列聖主張斯道之盛心庶新祠之成不  
止於黎豆登俊輪奐而已道泰之徵由一州而  
占海內可知焉諸君之功顧不大歟熊君名翀  
登乙丑進士先為監察御史歷按察使以人望  
擢居今職林君名先甫乙未進士歷禮科都給

德州志

卷之五

祀典

三

事中鏗君各清戊戌進士歷監察御史並以才  
行推擇起為方岳觀此舉可知其政而得其人  
是為日久頽壞萬曆中知州馬明瑞改建於衛  
記

河東澣其旁建醇儒書院

無錫邵竇兩過德州  
未謁董子祠詩以志

過地產醇儒郡有光兩來猶未謁祠堂春秋義  
已傳遷史誼利心曾辨粵王拜位定依庭柏影  
薦儀空託吐藟香孤城回首風塵裏讀罷遺書  
送夕陽 吳國倫董生祠詩萬木廣川村蕭蕭  
古殿存高梁蟠海氣殘碣歸雲限日月黃河逝  
文章漢代尊即看荒草色猶似水窺園 從  
黎民表德州謁董子祠詩英風憐馬上聞氣  
人女步冕加繁露青衿仰慶雲詩書維漢鼎程  
莫淮濱東閣多奇  
士寥寥竟不聞

顏魯公祠在小西門外衛河西月堤上舊祠

儒學旁久廢崇禎初州人程紹改逆瑞

生祠建於此宋文天祥過平原詩平原太守

動輦鼓大河以北無堅城君家兄弟奮戈起一

咸京明皇父子得西狩由是靈武起義兵唐家

再造李郭力賊臣牽制公威靈哀哉長山慘鈞

舌心歸朝廷氣不折崎嶇坎坷不得去出入四

朝老忠節當年幸脫安山白首竟陷李希烈

希烈安能遽殺公宰相履屨歎日月亂臣賊子

歸何所茫茫烟草平原十公死於今六百年精

忠赫赫祠後有景顏斗室程紹景顏斗室記顏

雷行天山之陽妙喜寺東南建三祭亭亭之西北藜桂

之開創有桂棚棚之側有支徑因殿中侍御史

袁君高以巡部步於此因呼為御史徑今世代

綿邈名賢遺跡不可復覩懷想高風因於文忠

德州志

卷之五

祀典

四

祠之南做立斗室經始於崇禎五年二月癸卯  
至築砌約椽棟宇簷阿之偏則起自八月癸未  
至九月癸丑而落成焉亦竊取文忠所謂三癸  
也北地早寒不宜植桂於南舟停泊覓得三  
二株貯於步屨廊之下亦名之曰桂棚穿廊而  
北亦有支徑草野謝客貴人不到安得有御史  
步也因此地旁逆祠故址蒼葦滿前有玷芳桂  
乃命老圃作之屏之類次官作氏掌攻草木者  
流也遂名為作氏徑總之仍文忠之舊畧為潤  
色用識仰止之思云爾噫嘻此一片地昔祀逆  
璫赤鹵為穢今得附忠烈而更冒  
佳名蓋亦幸不幸之一變也夫

城隍廟在州治西與厲壇同日祭

八蜡廟在城南關外臘月八日祭

土地祠在州儀門外已上皆本州祀之

太倉行神祠在西倉內三月望日八月望日祭

戶部監督

主事祀之

馬神廟在南門外馬廠街南春秋仲月上巳祭

一經安

德馬驛

旗纛廟在德州衛已上皆參將祀之

河神廟在西關河上

州人馬九德河神廟記畧吾郡城枕長河為水陸都

會西門外有河神廟一區背城面流相傳嘉靖間兵憲平涼浚谷趙公弭節之明年謂是河南通淮越北達燕薊固衝劇之要津也迺無廟以祀水神於典為缺遂卜地於茲營土度木創建廟宇以示神有所歸於是祠宇壯麗跨有一方東堂四楹中塑金龍四大王像為靈寢南有翼

德州志

卷之五

祀典

五

室亦四楹為守廟者所居地勢平行勝壓堪輿且又不與民廬連甍接棟真水府清絕境也稽之易傳天以一生水而地以六成之位先五行功濟百物昔者禹疏九河與故道皆在吾郡境內世代遼邈等於平時不可盡辨今郡西漕河迺漳衛合流入海所經之地我朝定鼎金陵漕輓京邊儲餉胥賴於此其神之各號散於羣書亦有可考見者水神曰馬蔡河伯曰川后濤神曰靈胥水伯曰天吳大波之神曰陽侯雖與廟中所肖金龍大王名不相襲然尊居廟官力制水怪俾河流平坦舟不為覆其有功德於民一也况浚谷文章政事迺邁一時為耀代表表人繫後遷秩大申丞而去沒雖未久其遺愛耿耿繫郡人去後之思故詳著其顛末焉 嗣使趙時春祭衛河神文凡山川與雲出雨有刊生民者人咸以為必有神王之矧自大河南徙九河諸水咸於是匯專遠於海尊同四瀆又為國家運漕阜貨脉絡兩畿襟舌八州神之利益顯

大哉時者曩於庚寅之歲疏乞邦瑞禁諛日如  
任臬道於茲河蒙神弘庇大著厥靈曾祝有事  
茲上廟食以報神休今經二十三載統兵於斯  
以衛畿甸戎馬糗糒由河運致土地人民賴神  
降澤丕振兵威托神佑助昔承靈貺今叨職守  
神之缺祠寔惕厥衷不遑寧處建宇揭主昭虔  
妥靈遵禮題爲衛河水神之位稱至於神尊莫  
大焉世俗頽黷不敢妄加伏惟時降甘澤以阜  
我民通利舟楫以裕國用震迅雷雨以掃  
烟塵將時春有大賴焉故茲昭告尚饗

### 東嶽廟在叅將府後

州人程維重修東嶽廟碑  
記祀國之大事也祭法能

禦大災捍大患有大勤勞則祀之先王之制唯  
諸侯得祭山川蓋其慎且重如此乃今東嶽之  
廟徧於天下祭於士庶人歷代彌遠莫之敢廢  
者何哉余嘗閱諸傳記及泰山誌而得其說矣  
五嶽莫尊於泰山而其神亦莫靈於泰山觸石  
成雲膚寸而合不崇朝而雨天下惟泰山爲然

## 德州志

### 卷之五 祀典

六

其神幹旋元氣發育萬物有生生化化之功凡  
水旱疾疫衆所願欲者咸望而禱焉往往有應  
古今所傳神異種種弗可誣也惟其功德溥於  
天下則通天下而祀之固人心之所同祭法之  
所與也余亦因是而觀世變焉古者民有井田  
有溝洫國都閭巷有學校又設疾醫掌治邦之  
疠瘍而總之以醫師當是時生養遂而風俗醇  
奚以所讓爲也降及後世凡先王教養之法相  
次盡廢而苛政日興民於是有所告而求諸神曰  
疾病天札之患困窮迫切無所告而求諸神曰  
萬一其庇我乎此人之情也蓋王政衰而所讓  
盛亦世變使然上之人方自負愧責而何暇禁  
令宜其有舉而無廢愈遠而愈滋也德郡城中  
有古東嶽廟碑記無存創始莫考正殿爲閭者  
五中奉東嶽天齊仁聖帝左右各有親侍之臣  
一寢殿及左右殿各爲閭者三東面無各爲閭  
者五巖繪諸神題有位號必能翊宣元化然  
陰功不可得而測也表以大門綴以周垣守以

黃冠蓋其所從來者遠矣國朝嘉靖四年曹守  
鴈門何公洪重修迄於今將六十年復就經祀  
郡之義士耆宿及黃冠宋靜深黃協謀修葺財  
取於捐施力出於願役諷吉始事以次興舉不  
勤而輸之者衆不督而爲之者疾易巧爲堅飾  
舊爲新黝墜丹漆金碧交輝視昔有加焉足以  
表崇重聳觀瞻信神聖之靈宅所護之勝區也  
經始於萬曆七年四月以次年十二月落成其  
耆宿及靜深輩謀誌歲月示久遠乃備予同學  
友蓋若錦來屬予爲記予謂茲義舉也曷敢以  
昏耄辭乃爲稽之祭法本之人情質之世變肆  
爲贊論以彰往事詔來者庶於茲祠有助焉而  
系之銘曰善天生物維神奉天峻極發育元化  
昭宣雲出崇朝澤沛入延俾樞者蕪俾天者延  
災疾以消災疴以痊德施斯溥報施宜豐有廟  
奕奕峙立殿中爰加修葺人願攸同巍如煥如  
顯顯顯官其人之力伊神之功維此成功士庶  
胥懌駭奔匪懈神其鑒格降福無彊生氓有庇

德州志

卷之五

祀典

褒公頌德乃勒貞石  
援理綜歸昭示無極

北極廟在北門城闔

程紹重修北極廟記安德  
舊有北極廟在北門之城

闔爲殿三楹中以奉真武像規制森嚴蓋控鎮  
闔郡之闕宮也經始於世廟初居士曹惠而未  
有記至穆廟四載余外祖馬中丞以居士石玉  
等之請始走筆勒之貞珉迄今百年瑞宇嶺坻  
椽題剝落郡大夫當湖馬公展拜祠下不勝黍  
離之感慨然欲鼎新之謀之家大人封公家大  
人仰承明德先輸爲士民倡一時聞風應者如  
響乃因故基爰易殘構大厦聳起神儀穆然雲  
楣盡坊藻稅山節巖巖翼翼還於舊觀家大人  
謂其事不可泯乃以馬公所捐俸錙募工跋涉  
取岱宗一片石命余記之余考之舊碑謂真武  
之名出於星宿祠祀之建起於有隋迨我成祖  
則感靈應而尊崇備至又云神本淨樂國上之  
子入山修行蕩妖伏魔白日飛昇誕膺帝命

北部至其於所從來蓋詳哉其言之矣惟是北極之名尚未可悉也余拘守一先生之言不達元理飛昇事不敢定其有無博稽載籍參合祀典有班班可考者按宋中興志石氏云北方黑帝其精真武爲七宿斗有龍蛇蟠結之象牛蛇象女龜象虛危室壁皆盤蚪之象司冬司水司北嶽司介蟲三百六十再按步天歌載諸星圖左旗右旗騰蛇鈇鈇壘壁陣羽林軍皆分布於七星上下合而觀之七星位居北方名曰元天所列諸星多鱗甲司兵備故曰武耳宋天文志云坎北方也北極不於坎乾而於艮丑以艮東北萬物之所成始而成終也故七政會其方爲曆之元北極居其方爲天之樞再考歷代天官書云極星在紫微垣萬神所宗七曜三垣二十八宿衆星所拱其精曰北極其神曰耀魄寶然則真武者蓋端主北部北部則樞鈕周天稱獨尊焉先聖所謂居其所者是也此辰與宿之別其不可混而爲一也明甚今廟名北極而祀崇

德州志

卷之五

祀典

八

真武當有精義焉索解殊不可得余聞之祀禮莫大於宗廟宗祭天惟天子王之北極天也諸侯王且不得禘命而越瀆焉而况其下者乎爲是極居東北於位爲寅人生之本誰敢忘之况我里又界在東北又所稱王畿之民乎故禘禘標其名原其始也尊尊之義也而不設位示不敢僭耳惟是真武爲北部之神安得分野在危度之下以方之神視方之人如幹枝流派伯旅編氓也以方之人視方之神尊則如古晉之國君而親則宗祖也神之威靈顯赫周遍北土殖天王之國卽以祐其統域鹿天王之民卽以庇其子姓若臣屬凡我郡人無不在阿護之中弁神功而圖報正所謂無所逃而不可解則今日煌煌祝釐之地豈非禮以義起而必不可廢哉郡大夫保愛元元藹篤周至故惟爲民之直念敬其明神家大人不負爲民祈報之誠其襄舉例得附書故輒記其始末以推原夫獨祀之義而系之以頌使吾民之爲吾土之正



神靈修祀事世世勿忘焉則今日之廟貌與  
志其靈長可也頃日天樞之北有宿炳靈壇化  
太乙製部上清元元默默萬物之母玉癸奠位  
時保慈王指星步斗護國蕩魔駕風掣電威鎮  
娑婆乃聖乃神維文維武旱魃弗虐商羊罷舞  
彰善殛惡驅沴致祥維帝之賜時雨時暘匪  
斯今昭自遐代祀典秩秩符讖其載郡城百雉  
北界帝宮以妥以備廟貌孔宏禴祀蒸嘗歲時  
共趨對越在天駿奔罔渝岱岳昂昂衛流泱泱  
惟帝之德山高水長道紀長存神威普揚猗歟  
勒貞石

天妃廟在南關

州人王權修天妃廟碑記德州  
舊無天妃廟廟初立殊荒陬無

文字紀歲月天順庚辰再經恢拓至成化辛丑  
復從而新之吾境內多泰山元君祠恭謁天妃  
廟者恒以元君視之而漫無所識別蓋以庚辰  
具碣其言質俚無可證辛丑樹碑而記者畧之

德州志

卷之五 禮典

九

故也嘉靖乙卯棟宇垣壁復就圯壞鄉耆宋君  
鏐暨徐君存仁韓君福王君實輩相與捐金結  
社為鄉人倡以圖增置而後大之已而施者雲  
委艮材堅甃罔弗備工役遂舉正殿仍四楹兩  
廡仍各六楹夾儀門特創二廡殿東偏益一室  
與西偏神室相直門廊寢室咸倍壯於舊廟貌  
鼎新金碧闕耀觀者肅然生敬焉諸君假庠友  
姜子懇余言勒諸石余按大明一統志天妃廟  
在福建興化府莆田縣湄洲嶼妃莆人宋都巡  
檢林愿之女生而神靈能言禍福沒後鄉人立  
廟於此宣和中路允建浮海使高麗中流風大  
作諸船皆溺允迺所乘舟妃降於檣遂獲安濟  
歷代封至天妃國朝洪武永樂中凡兩加封號  
列諸祀典竊謂國家勅建羣祠非但詳於禮典  
而已將以震民之底滯而立教也其載在祀典  
者上因道通明下以誘愚俗雖若不能與可議  
於其間要使民同歸於善而莫之知其意良亦  
美矣然自帝王聖哲以及忠臣孝子諸祠

其天下之為丈夫者，語之而勉之，而易於  
其足以者，官師之訓而助刑罰之所不及，亦既  
為有激而其母於習而難化者，莫如婦人。女子  
顧責之以丈夫之所敬畏，而崇信者，彼則語之  
而弗鮮勉之，而弗從，何也？婦人女子所漸從者，  
姆訓也，而以教男子者，教之其孰從而聽之？試  
觀諸閭閻之間，有談士人之奇節異行者，彼不  
相視錯愕，即藐藐焉弗入。一及曹娥、聶嫫之事，  
則羣聚而叩之，且盡然動心而傾聽之，不厭從  
其類焉耳矣。天妃有廟，諒職於教天下之婦人，  
女子敬之以虛，異懼之以謂福，固使之易，非易  
行自不取。雖云凶職，皆貽權而為神，蓋陰教舉而  
陽教於是不益備矣。廟創於先而葺之於後，固  
均宜不朽，其功以啟後人，雖然靈峻一作至今  
有餘，請焉。余後生小子，敢張皇幽杳，以迷亂吾  
人之視聽哉。惟擬國志云：爾夫固有所受之也。

關帝廟一在叅將府東北一在城南稅務街一

德州志

卷之五 祀典

十

在南門一在東門一在西門一在上馬頭一在

水驛一在柴市一在州治前一在北廠西南一

在北廠東南一在教場一在遺運所一在桑園

鎮 王權桑園鎮關王廟記 關王廟祀編天下其

無謂而強援之以參於淫祠之中者，亦編天

下廟以安神，不晰於義從俗而祀之神，其安諸

余嘗縱遊諸祠，王之以特廟祀者，無幾而梵宮

道觀，墮樓寶座，玉宇星壇，于其教者，偃然南面

而居之，第於中門偏側之地，則設關王一室，又

或懷甲執刃，雜於彼之役，使之列而侍立焉。尚  
其徒佛者，曰王在吾所為伽藍護吾法者也。道  
者曰王為吾四帥之一，實承遺託而任奔走  
其像，復聞斯言，輒恚憤不已。將欲撤其室而  
為之禁，顧力有所不能也。原二氏之心，不謂  
王慷慨奇節，震耀百世，吾取若人而奴之，

以較吾之教而聳人之聽聞其無忌憚亦其  
吾人欲法一世之惑安王靈而冀其若歆其惟  
特祀也巴德州桑園鎮舊有關王廟巍然勃於  
衛河之流潮四楹神像端嚴惟肖前衙門坊鐘  
簾在空齋庖在後烝嘗伏臘鎮人事之儀處可  
謂之特祀矣嘉靖丙辰廟緣歲久棟宇將傾鎮  
之耆老請以資醮金而復新之共推馬君淵謝君  
碩懇余言以勸於石予曰王之烈婦人孺子皆  
能言之何俟於余言二君知王之所以風吾人  
者乎夫三國惟蜀為正統而弱王臣昭烈不附  
勢也辭婚却金不趨利也忤於士夫不苟媚也  
勇于報効不肯德也終死于敵不棄要也吾鎮  
人亦有依稀不附勢不趨利不苟媚不肯德不  
棄要者乎有之則王之風其達矣今日之廟祀  
王其饗之而神勞亦罔不泮至抑果有附勢趨  
利苟媚肯德棄要者乎有之則王之風其阻矣  
今日之廟祀王將陞之而亦何取于復葺也哉  
觀射父有言曰民氣縱則底底則滯滯則久而

德州志

卷之五

祀典

士

不震生乃不殖廟葺而祀舉固有震其滯而收  
其縱則達其風而使之不阻焉敢謂無其人焉  
要之入之昭事乎神之默相乎人斯固其大  
者若曰禦我灾捍我患祈禱有應是則王之偶  
然者耳又豈可駕二氏之說以迷亂吾人也耶  
王在漢章武中為列侯元致和之初加封顯靈  
義勇武安英濟王或謂王未必受然而葺葺  
非吾事也姑因之而歸其說于二君以為記

晏公廟在小西門南昭惠廟即二郎廟在儒學

西元孟泌陵州重修二郎廟記畧秦定丁卯秋  
七月博野林公由民曹幕出知陵州事下車

越三日遍謁祠廟禱祀以典嗣歲遵故事也至  
昭惠靈顯真君廟室觀其基址傾側棟椽瓦裂

上雨旁風無所蓋蔽歎曰人之事神本以為民  
也神之歆祀以其能禦災捍患有功于民也

昔守嘉州老蛟為患河水汎溢漂沒民  
自刃入水府斬蛟首以出其禦災捍患

聖唐迄宋累加封號載在祀典未嘗缺也今  
祠宇若是神之居且未寧其何以享祀事神之  
禮未備又何以爲民而求福也國家明德恤祀  
無文咸秩况其當祀者乎慨然有改作之意州  
之人士乃率而相告曰我公事神之意甚謹恤  
民之意甚急吾輩豈能翹然乎于是工師獻技  
匠人効能木數真其梓材陶沿輪其銚斲富不  
惜其財貧不愛其力赴功趨事不日告成廟三  
楹堂敞陞峻峻峻巖巖牙翬飛鳥華垣墉墜茨光  
彩煥爛神象巍然起畏起敬又於旁起龍神昆  
蟲之祠以應歲時蜡祭祈年順成亦公之意而  
民奉承之也先是數歲蝗旱相仍飢饉流臻自  
是厥後有所必應雨暘時若來牟熟而受厥明  
豐年穰穰期享多福咸願紀實昭垂厥美俾來  
徵詞予職在史館託言載事不敢辭天曆二年孟冬末旬日  
州治西北火星廟在叅將府東

德州志

卷之五

祀典

十一

寺觀

永慶寺在城內州衙後

州人張惠永慶寺記畧  
德州有巨刹曰永慶寺

舊在衛河之西乃唐時雲山禪師之所創也元  
季燬于兵燹洪惟聖朝稽古設官寺僧古峯者  
才堪弼教州之文老僉舉僧正既獲署任歎曰  
寺各雖舊而佛居無所奈何或謂城內州治後  
有地若干畝足以相當古峯是之作意興復畚  
瓦礫畧基址重創禪樓之宇亡何古峯化去僧  
玉川繼其職而大用大方並今無極復繼玉川  
之職遂與僧因廣同心協力不憚寒暑前建天  
王殿後置大悲閣並左右地藏輪藏莊嚴羅漢  
圓通神像列侍金色綉羅擬於兜率門廡庖福  
之所靡不完具而又繕以周垣植以嘉樹由是  
茲寺煥然一新實爲茲州之偉觀矣大川思欲  
傳之永久開其始末因廣求記余以職守春  
官辭弗獲已因銘之曰大雄之古禪教爲洪

設五枝派宗惟此曹溪香水流別遂號  
邁古難析未法入弊漸屬廢替門楮既失  
燼焉持代不絕人篤生異質際此蒙屯因名構  
實難巍金碧輪奐騰光玉川太州接短扶長宮  
殿燬滅僧有苛口施日漏無一不可由唐迄  
元已及千年天人慶會定出自然觀此勝跡匪  
驕匪暱至誠之道三世如一爰有因果秉心弗  
訛遂成道場靈鷲之阿陰翊王度妙轉法輪祥  
光燭天頌我人文 邵寶再至德州詩奉使南  
來又記州僧堂還記舊庵爾自注八月中嘗寓  
永慶寺數日星明北極天初霽風掃中原霧已  
收野曠尚餘千里水漕荒應負一年秋諮詢未  
盡皇華體賦罷  
祥羊獨倚樓

慈氏寺亦稱銀瓦寺在河西 王世貞投慈氏  
寺宿詩其一日

落山門閉未曾開 燈語元是人間行 其二入門金像欣然笑

德州志

卷之五

笑我津梁老此生 也求名 州人趙其星九日登慈氏寺閣壁上  
見仁友題詩句 回首塵名何有哉相從蘭若漫  
登臺紅林影亂隨風盡黃菊香句帶雨開斜日  
半臨高閣轉長河曲抱小堂來舊  
遊朋輩今安在壁上題詩絕可哀

鐵佛寺在東關臺頭寺在城東三十里 寶坻牛  
魯重修

臺頭寺記 器德州城東南三十里黃河岸上舊  
有村落曰解家牌有梵刹曰臺頭寺舊志湮  
不知始於何時我朝成化十八年則有檀越善  
士某等募眾重修殿宇至正德九年延請京都  
淨土寺天真法嗣沙門得壽南峯為住山復修  
禪堂兩廡三門方丈庖庖井泉等集諸弟子朝  
鐘暮鼓協力梵修上祝聖壽下祈民福或說無  
為之法或傳無盡之旨一遵我太祖刀耕火種  
之例以資四事之需遂成禪林南峯遺其第  
圓普來求予言記之 程先貞聞見錄云

不詳一日廢書因倉皇不暇携書遂取寺中此  
經閱之任寺凡三月閱幾遍命省史鈔數篋而  
去後卒致南藏兩大龕從吳船來以補寺藏之  
闕又與陸五臺家宰連  
名樹扁為寺中盛事

觀音寺在城西南龍泉寺在城東崇興寺在城

南上果寺在城東北大覺寺在城東羅家口寺

在城東南

高真觀在城內西北隅

故城孫續高真觀記畧  
德城西北隅道院曰高

真觀自勝國已有名之為高真堂至正德中改  
堂為觀道士楊理聰居之殿宇門墉歲久頽敗  
聖聰之徒邵守正與其徒張大孺思欲修葺白  
署都指揮桂勇知州前進士寧河皆以為然及

### 德州志

#### 卷之五

禮典

十四

落成謁余言勒石以示久遠余援筆為之記曰  
道家者流本于黃帝老子而莊周列禦寇之徒  
申而明之以清淨無為身以虛明應物太史公列  
置老莊于管晏申韓之間漢藝文志亦謂其秉  
要執本有南面無為之德秦漢以來文景薄賞  
崇其學以致黎民醇厚天下富殷此道家本領  
受用豈若後世竊無為之緒餘欲獨  
擅於長生久視不可知之事已耶

舊志寺觀附於末其記文悉刪不載可謂卓

識今之淫祠日新月益以其於十篇之中無

所附麗姑載於此而文則擇其頗有辯正者

錄焉

唐文華曰佛老之流與吾儒異然清虛

與吾儒寧靜之學亦近似者其失特在邪正之間耳今之爲佛老者吾惑焉出人塵囂奔走勢利與齊民無異烏覩所謂清虛苦空哉志特存而不削者亦逃墨歸楊逃楊歸儒之意云

論曰 國家所以爲生民慮者至矣有祈焉有報焉有由弭焉凡載在禮典者皆

明詔之所勤而有司之所宜敬其勿怠者也禮文崩墜神人泯滅則宇鞠爲丘墟犧牲亡於

德州志

卷之五

禮典

五

攘竊而化人之宮非鬼之祭日加崇飾逾於秩祀程右丞所云王政衰而祈禳盛詳哉其言之矣昔龍圖時門子產不覲相奪予享寧子改命春秋以上猶多達識迨至秦人降妖黃蛇止於鄜衍漢皇求佛白馬來於緡陽而巫覡紛如僧尼雜選以至於今幾二千載况乃窮鄉下里野廟叢祠家傳鷄卜之方人習狐鳴之教自非博物君子開天哲王窮道德之本原知鬼神之情狀則昌黎之論人其人

而火其書者豈易言哉

德州志卷之五終

德州志

卷之五

祀典

六